

遼史

二

點校本二十四史修訂本

中華書局

〔元〕脱脱等撰

點校本
二十四史
修訂本

遼史

第三卷
一至四
四冊

中華書局

遼史卷三十一

志第一

營衛志上

上古之世，草衣木食，巢居穴處，熙熙于于，不求不爭。爰自炎帝政衰，蚩尤作亂，始制干戈，以毒天下。軒轅氏作，戮之涿鹿之阿。處則象吻于宮，行則懸旄于纛，以爲天下萬世戒。於是師兵營衛，不得不設矣。

冀州以南，歷洪水之變，夏后始制城郭。其人土著而居綏服之中，外奮武衛，內揆文教，守在四邊。營衛之設，以備非常而已。并、營以北，勁風多寒，隨陽遷徙，歲無寧居，曠土萬里，寇賊姦宄乘隙而作。營衛之設，以爲常然。其勢然也。

有遼始大，設制尤密。居有宮衛，謂之幹魯朵；出有行營，謂之捺鉢；分鎮邊圉，謂之

部族。有事則以攻戰爲務，閑暇則以畋漁爲生。無日不營，無在不衛。立國規模，莫重於此。作營衛志。

宮衛

遼國之法：天子踐位，置宮衛，分州縣，析部族，設官府，籍戶口，備兵馬。崩則扈從后妃宮帳，以奉陵寢。有調發，則丁壯從戎事，老弱居守。

太祖曰弘義宮，應天皇后曰長寧宮，太宗曰永興宮，世宗曰積慶宮，穆宗曰延昌宮，景宗曰彰愍宮，承天太后曰崇德宮，聖宗曰興聖宮，興宗曰延慶宮，道宗曰太和宮，天祚曰永昌宮。又孝文皇太弟有敦睦宮（一），丞相耶律隆運有文忠王府。凡州三十八，縣十，提轄司四十一，石烈二十三，瓦里七十四，抹里九十八，得里二，間撒十九。爲正戶八萬，蕃漢轉戶十二萬三千，共二十萬三千戶（二）。

算斡魯朵，太祖置。國語心腹曰「算」，宮曰「斡魯朵」。是爲弘義宮。以心腹之衛置，益以渤海俘、錦州戶。其斡魯朵在臨潢府，陵寢在祖州東南二十里（三）。正戶八千，蕃漢轉戶七千，出騎軍六千。

州五：錦、祖、嚴、祺、銀。

縣一：富義。

提轄司四：南京、西京、奉聖州、平州。

石烈二：曰須，曰速魯。

瓦里四：曰合不，曰撻撒，曰慢押，曰虎池。

抹里四：曰臚，曰預墩，曰鶻突，曰糾里闡。

得里二：曰述壘北，曰述壘南。

國阿輦幹魯朵，太宗置。收國曰「國阿輦」。是爲永興宮。初名孤穩幹魯朵。以太祖平渤海俘戶，東京、懷州提轄司及雲州懷仁縣、澤州灤河縣等戶置。其幹魯朵在游古河側，陵寢在懷州南三十里。正戶三千，蕃漢轉戶七千，出騎軍五千。

州四：懷、黔、開、來。

縣二：保和（四）、灤河。

提轄司四：南京、西京、奉聖州、平州。

石烈一：北女古。

瓦里四：曰抹，曰母，曰合李只，曰述壘。

抹里十三：曰述壘軫，曰大隔蔑，曰小隔蔑，曰母，曰歸化不朮，曰唐括，曰吐谷，曰百爾瓜忒，曰合魯不只，曰移馬不只，曰臚，曰清帶，曰速穩。

聞撒七：曰伯德部，曰守狨，曰穴骨只，曰合不頻尼，曰虎里狨，曰耶里只挾室，曰僧隱令公。

耶魯盃斡魯朵，世宗置。興盛曰「耶魯盃」。是爲積慶宮。以文獻皇帝衛從及太祖俘戶，及雲州提轄司，并高、宜等州戶置。其斡魯朵在土河東，陵寢在長寧宮北^{（五）}。正戶五千，蕃漢轉戶八千，出騎軍八千。

州三：康、顯、宜。

縣一：山東。

提轄司四^{（六）}。

石烈一：兮臘。

瓦里八：曰達撒，曰合不，曰吸烈，曰逼里，曰潭馬，曰槃不，曰耶里直，曰耶魯兀也。

抹里十：曰紇斯直，曰蠻葛，曰厥里，曰潭馬忒，曰出懶，曰速忽魯碗，曰牒里得，曰閭

馬，曰迭里特，曰女古。

蒲速盃幹魯朵，應天皇太后置。興隆曰「蒲速盃」。是爲長寧宮。以遼州及海濱縣等戶置。其幹魯朵在高州，陵寢在龍化州東一百里^(七)。世宗分屬讓國皇帝宮院。正戶七千，蕃漢轉戶六千，出騎軍五千。

州四：遼、儀坤、遼西、顯。

縣三：奉先、歸義、定霸。

提轄司四。

石烈一：北女古。

瓦里六：曰潭馬，曰合不，曰達撒，曰慢押，曰耶里只，曰渾只。

抹里十三：曰渾得移鄰稍瓦只，曰合四卑臘因鐵里卑稍只，曰奪羅果只，曰拏葛只，曰合里只，曰婆渾昆母溫，曰阿魯埃得本，曰東廝里門，曰西廝里門，曰東鏹里，曰西鏹里，曰牒得只，曰滅母鄰母。

奪里本幹魯朵，穆宗置。是爲延昌宮。討平曰「奪里本」。以國阿輦幹魯朵戶及阻卜

俘戶，中京提轄司、南京制置司、咸、信、韓等州戶置。其幹魯朵在紉雅里山南，陵寢在京南〔八〕。正戶一千，蕃漢轉戶三千，出騎軍二千。

州二：遂、韓。

提轄司三：中京、南京、平州。

石烈一：曰須。

瓦里四：曰抹骨古等，曰兀沒，曰潭馬，曰合里直。

抹里四：曰抹骨登兀沒滅，曰土木直移鄰，曰息州決里，曰莫瑰奪石。

監母幹魯朵，景宗置。是爲彰愍宮。遺留曰「監母」。以章肅皇帝侍衛及武安州戶。其幹魯朵在合魯河，陵寢在祖州南〔九〕。正戶八千，蕃漢轉戶一萬，出騎軍一萬。

州四：永、龍化、降聖、同。

縣二：行唐、阜俗〔一〇〕。

提轄司四。

石烈二：曰監母，曰南女古。

瓦里七：曰潭馬，曰奚烈，曰埃合里直，曰蠻雅葛，曰特末，曰烏也，曰滅合里直。

抹里十一：曰尼母曷烈因稍瓦直，曰察改因麻得不，曰移失鄰幹直，曰辛古不直，曰撒改真，曰牙葛直，曰虎狻阿里鄰，曰潑昆，曰潭馬，曰閘臘，曰楚兀真果鄰。

孤穩幹魯朵，承天太后置。是爲崇德宮。玉曰「孤穩」。以乾、顯、雙三州戶置。其幹魯朵在土河東，陵祔景宗皇帝。正戶六千，蕃漢轉戶一萬，出騎軍一萬。

州四：乾、川、雙、貴德。

縣一：潑。上京。

提轄司三：南京、西京、奉聖州。

石烈三：曰鑣里，曰滂，曰迭里特女古。

瓦里七：曰達撒，曰耶里，曰合不，曰歇不，曰合里直，曰慢押，曰耶里直。

抹里十一：曰阿里廝直述壘，曰預篤溫稍瓦直，曰潭馬，曰賃預篤溫一臘，曰牙葛直，曰牒得直，曰虎溫，曰孤溫，曰撒里僧，曰阿里葛斯過鄰，曰鐵里乖穩鑣里。

閘撒五：曰合不直迷里幾頻你，曰牒耳葛太保果直，曰爪里阿本果直，曰僧隱令公果直，曰老昆令公果直。

女古幹魯朵，聖宗置。是爲興聖宮。金曰「女古」。以國阿輦、耶魯盃、蒲速盃三幹魯朵戶置。其幹魯朵在女混活直，陵寢在慶州南安^(二)。正戶一萬，蕃漢轉戶二萬，出騎軍五千。

州五：慶、隰、烏、上京。烏、東京。霸。

提轄司四。

石烈四：曰毫兀真女姑，曰拏兀真女室，曰女特里特，曰女古滂。

瓦里六：曰女古，曰蒲速盃^(三)，曰鶻篤，曰乙抵，曰蓊，曰埃也。

抹里九：曰乙辛不只，曰鐵乖溫，曰埃合里只，曰嘲瑰，曰合魯山，血古只，曰奪忒排登。
血古只，曰勞骨，曰虛沙，曰土鄰。

聞撒五：曰達鄰頻你，曰和里懶你，曰爪阿不厥真，曰粘獨里僧，曰袍達夫人厥只。

窩篤盃幹魯朵，興宗置。是爲延慶宮。孛息曰「窩篤盃」。以諸幹魯朵及饒州戶置。其幹魯朵在高州西，陵寢在上京慶州。正戶七千，蕃漢轉戶一萬，出騎軍一萬。

州三：饒、長春、泰。

提轄司四。

石烈二：曰窩篤盪，曰鶻篤骨。

瓦里六：曰窩篤盪，曰廝把，曰廝阿，曰紂里，曰得里，曰歐烈。

抹里六：曰歐里本，曰燕廝，曰緬四，曰乙僧，曰北得里，曰南得里。

阿思幹魯朵，道宗置。是爲太和宮。寬大曰「阿思」。以諸幹魯朵御前承應人及興中府戶置。其幹魯朵在好水濼，陵寢在上京慶州。正戶一萬，蕃漢轉戶二萬，出騎軍一萬五千。

石烈二：曰阿廝，曰耶魯。

瓦里八：曰阿廝，曰耶魯，曰得里，曰紂里，曰撒不，曰鶻篤，曰蒲速幹，曰曷烈。

抹里七：曰恩州得里，曰幹奢得里，曰歐里本，曰特滿，曰查刺土鄰，曰紂里，曰阿里廝迷里。

阿魯盪幹魯朵，天祚皇帝置。是爲永昌宮。輔祐曰「阿魯盪」。以諸幹魯朵御前承應人，春、宣州戶置。正戶八千^三，蕃漢轉戶一萬，出騎軍一萬。

石烈二：曰阿魯盪，曰榆魯盪。

瓦里八：曰阿魯幹，曰合里也，曰鶻突，曰敵刺，曰謀魯幹，曰紂里，曰奪里刺，曰特末也。

抹里八：曰蒲速盃，曰移輦，曰幹篤盃，曰特滿，曰謀魯盃，曰移典，曰悅，曰勃得本。

孝文皇太弟敦睦宮，謂之赤寔得本。幹魯朵。孝曰「赤寔得本」。文獻皇帝承應人及渤海俘，建、瀋、巖三州戶置^{二四}。陵寢在祖州西南三十里^{二五}。正戶三千，蕃漢轉戶五千，出騎軍五千。

州三：建、瀋、巖。

提轄司一：南京。

石烈二：曰嘲，曰與敦。

瓦里六：曰乙辛，曰得里，曰奚烈直，曰大潭馬，曰小潭馬，曰與敦^{二六}。

抹里二：曰潭馬抹乖，曰柳實。

闐撒二：曰聶里頻你，曰打里頻你。

大丞相晉國王耶律隆運，本韓氏，名德讓。以功賜國姓，出官籍，隸橫帳季父房。贈

尚書令，謚文忠。無子，以皇族魏王貼不子耶魯爲嗣，早卒；天祚皇帝又以皇子敖魯幹繼之。官給葬具，建廟乾陵側。擬諸宮例，建文忠王府。正戶五千，蕃漢轉戶八千，出騎軍一萬。

州一二七。

提轄司六：上京、中京、南京、西京、奉聖州、平州。

著帳郎君

著帳郎君：初，遙輦痕德堇可汗以蒲古只等三族害于越釋魯，籍沒家屬入瓦里。淳欽皇后宥之，以爲著帳郎君。世宗悉免。後族、戚、世官犯罪者没人。

著帳戶

著帳戶：本諸幹魯朵析出及諸罪没人者。凡承應小底、司藏、鷹坊、湯樂二處、尚飲、盥漱、尚膳、尚衣、裁造等役，及宮中、親王祇從、伶官之屬，皆充之。

凡諸宮衛人丁四十萬八千，騎軍十萬一千。著帳釋宥、没人，隨時增損，無常額。

校勘記

〔一〕又孝文皇太弟有敦睦宮「孝文皇太弟」，重熙十五年秦晉國大長公主墓誌、咸雍元年耶律宗允墓誌及五年秦晉國妃墓誌皆作「孝貞皇太弟」。

〔二〕爲正戶八萬蕃漢轉戶十二萬三千共二十萬三千戶。此處所記蕃漢轉戶數及總戶數疑誤。按下文各宮蕃漢轉戶計爲十二萬四千，則總數當爲二十萬四千戶。又本書卷三五兵衛志中稱諸宮丁凡四十萬八千，按各宮丁數例皆倍於戶數（參見本卷校勘記〔三〕），亦可證二十萬四千戶爲是。

〔三〕陵寢在祖州東南二十里。按本書卷三七地理志一祖州條稱太祖陵在祖州西五里。經考古發掘證實其在祖州西北五里處，與地理志略合。

〔四〕保和。按本書卷三七地理志一上京臨潢府條，保和縣隸彰愍宮。

〔五〕陵寢在長寧宮北。按下文稱長寧宮在高州，據此則世宗陵寢當在高州北。然據本書卷五世宗紀及卷三八地理志二顯州條，世宗葬於顯州西山，即醫巫閭山，今考古發現亦與之合。

〔六〕提轄司四。此下闕提轄司所在地名。據本書卷三五兵衛志中，當爲南京、西京、奉聖州、平州。又下文長寧宮、彰愍宮、興聖宮、延慶宮所闕皆同。

〔七〕陵寢在龍化州東一百里。按本書卷七一淳欽皇后傳謂應天皇后祔葬祖陵。然祖陵在祖州，位於龍化州西北，相去甚遠。

〔八〕陵寢在京南「京南」所指不明。按本書卷七穆宗紀下應曆十九年二月及卷三七地理志一懷州條，穆宗祔葬懷陵側，當在上京臨潢府西。

〔九〕陵寢在祖州南。按本書卷三八地理志二乾州條，景宗乾陵在東京道乾州附近。又耶律宗教墓誌、耶律宗政墓誌及耶律宗允墓誌皆稱祔葬乾陵，三誌均出土於今遼寧北鎮市，與地理志合，去祖州甚遠。

〔一〇〕縣二行唐阜俗。本書卷三七地理志一上京臨潢府條、卷四一地理志五奉聖州條，保和縣、宣化縣、望雲縣均隸彰愍宮。

〔一一〕陵寢在慶州南安。據本書卷三七地理志一慶州條，慶州無南安，「安」字或係衍文。又卷一八興宗紀一太平十一年七月稱「建慶州于慶陵之南」，則聖宗慶陵當在慶州北。經考古調查證實其在慶州北三十里處，與紀合。

〔一二〕曰蒲速盪。「曰」字原闕，不合「瓦里六」之數。「女古」、「蒲速盪」屢見上下文，今補。

〔一三〕正戶八千「八千」，疑當作「七千」。按本書卷三五兵衛志中記永昌宮正丁一萬四千。錢大昕廿二史考異卷八三遼史兵衛志條稱「營衛志載各宮正戶、轉戶之數」，「丁數常倍於戶數，是一戶出二丁也」，則此處戶數當爲七千，如此諸宮正戶總計方合於上文所稱八萬之數。

〔一四〕文獻皇帝承應人及渤海俘建瀋巖三州戶置。依上文文例，此句上疑脫「以」字。

〔一五〕陵寢在祖州西南三十里。按孝文皇太子即耶律隆慶，本書卷六四皇子表稱其葬於醫巫閭山。

又耶律宗允墓誌稱其祔葬耶律隆慶之塋，此墓誌出土於今遼寧北鎮市，地近醫巫閭山，去祖州甚遠。

〔六〕與敦 原作「與墩」，據明鈔本、南監本、北監本、殿本改。按上文有石烈名「與敦」。

〔七〕州一 此下失載州名。按本書卷三八地理志二 宗州條云：「耶律隆運以所俘漢民置聖宗立爲州，隸文忠王府。」卷三九地理志三 川州條云：「初隸崇德宮，統和中屬文忠王府。」此處「州一」未知何指。

〔八〕湯樂 「樂」，疑當作「藥」。

遼史卷三十二

志第二

營衛志中

行營

周官土圭之法：日東，景朝多風（一）；日北，景長多寒。天地之間，風氣異宜，人生其間，各適其便，王者因三才而節制之。長城以南，多雨多暑（二），其人耕稼以食，桑麻以衣，宮室以居，城郭以治。大漠之間，多寒多風，畜牧畋漁以食，皮毛以衣，轉徙隨時，車馬爲家。此天時地利所以限南北也。遼國盡有大漠，浸包長城之境，因宜爲治。秋冬違寒，春夏避暑，隨水草就畋漁，歲以爲常。四時各有行在之所，謂之「捺鉢」。

春捺鉢：